

**AKT THEMELIMI
I SHOQËRISË ME PËRGJEGJËSI TË KUFIZUAR
"AKSIA&PARTNERS" Sh.p.k.**



Sot, në Tiranë, më datë 7 qershor 2022:

- **Z. Sokol Haxhia**, shtetas italian, lindur në Tiranë (Shqipëri), më 27 mars 1974, identifikuar me pasaportë italiane me numër YA9177465

ka vendosur të nënshkruajë Aktin e Themelimit të mëposhtëm të një shoqërie me përgjegjësi të kufizuar (më poshtë "**Shoqëria**"), aktiviteti i së cilës rregullohet nga legjislacioni shqiptar në fuqi dhe Statuti i saj, i cili është pjesë përbërëse e këtij akti, të cilit i bashkëngjitet si Shtojca Nr. 1.

Neni 1 – Emërtimi

Shoqëria emërtohet AKSIA&PARTNERS Sh.p.k.

Neni 2 – Selia

Selia e Shoqërisë është në Tiranë, Rruga "Abdi Toptani", Torre Drin, Shop 21.

Neni 3 – Kohëzgjatja

Kohëzgjatja e Shoqërisë do të jetë deri në 31 dhjetor të vitit 2100 dhe mund të zgjatet edhe më tej me vendim të Asamblesë së Përgjithshme.

Neni 4 – Objekti

- 4.1 Shoqëria ka për objekt ofrimin e shërbimeve në sektorin e aktiviteteve sportive, në veçanti:
- të ofrojë asistencë dhe këshillim për veprimtaritë e lidhura me përfaqësimin sportiv, duke kryer të gjitha aktivitetet me karakter përgatitor, paraprak, ndihmës, organizativ dhe të marrë të drejtat ekonomike dhe pronësore që rrjedhin nga detyrat e dhëna përfaqësuesve sportivë;
 - të ofrojë asistencë dhe këshillim për përfaqësuesit sportivë për transaksionet e menaxhimit, negocimit dhe/ose cedimit të kontratave sportive në lidhje me atletët profesionistë.
- 4.2 Shoqëria mund (i) të marrë pjesë me financime ose në mënyrë operative në *consortium-e* edhe të përkohshme, *joint venture* ose (ii) të zotërojë, të blejë ose të shesë pjesëmarrje në ente, shoqëri apo ndërmarrje, edhe në fazë themelimi që kanë qëllime të ngjashme, komplementare apo gjithsesi të lidhura me të; jo si aktivitet parësor, Shoqëria mund edhe të japë garanci reale dhe/ose personale, të vendosë peng, të dalë dorëzanëse apo të vendosë hipotekë edhe në favor të të tretëve.
- 4.3 Gjithashtu, Shoqëria mund të kryejë çdo veprim apo operacion tjetër që ka të bëjë me pasuritë e luajtshme dhe të paluajtshme, çdo veprim apo operacion tjetër tregtar, industrial e financiar, të dobishëm apo plotësues, me qëllim përmbushjen e objektit të saj, si edhe çdo aktivitet tjetër në përputhje me ligjin në fuqi.

Neni 5 – Kapitali i Shoqërisë, Kontributet dhe Kuotat

5.1 Kapitali themeltar i Shoqërisë është i barabartë me 10.000 Lekë (dhjetëmijë Lekë).

Kapitali themeltar i Shoqërisë përbëhet nga 1 (një) kuotë, e gjitha e nënshkruar, me vlerë nominale sipas kontributit të ortakut të vetëm në kapitalin themeltar të Shoqërisë, të përcaktuar në nenin 5.3 më poshtë. Shlyerja e kapitalit themeltar të Shoqërisë do të kryhet brenda afatit prej 10 (dhjetë) ditëve pune nga data e këtij Akti Themelimi.

Kapitali themeltar është i nënshkruar si më poshtë:

- i. **Z. Sokol Haxhia** nënshkruan një kuotë në para për vlerën 10.000 Lekë (dhjetëmijë Lekë), e cila përfaqëson 100% (njëqind për qind) të kapitalit të Shoqërisë.

Neni 6 – Transferimi i kuotave

Kuotat transferohen sipas parashikimeve të Statutit.

Neni 7 – Administrimi

- 7.1 Me këtë akt emërohet 1 (një) Administrator i Shoqërisë, për një periudhë prej 5 (pesë) vitesh, si më poshtë:
 - **Z. Sokol Haxhia**, shtetas italian, lindur në Tiranë (Shqipëri), më 27 mars 1974, identifikuar me pasaportë italiane me numër YA9177465.
- 7.2 Administratorit i takon përfaqësimi i Shoqërisë kundrejt të tretëve, në gjykatë dhe ushtron të gjitha kompetencat e administrimit të zakonshëm dhe të jashtëzakonshëm të Shoqërisë, përveç rastit kur statuti ose ligji ia jep shprehimisht këto kompetenca një organi tjetër të Shoqërisë.
- 7.3 Administratorit i jepen të gjitha kompetencat e nevojshme për të kryer të gjitha formalitetet dhe përbushjen e detyrimeve të parashikuara për themelimin e Shoqërisë sipas legjislacionit në fuqi. Për këtë qëllim, Administratori, mund t'u drejtohet për ndihmë të tretëve ose konsulentëve, të cilëve mund t'u delegojë në tërësi ose pjesërisht kryerjen e aktivitetit të sipërpërmendur.
- 7.4 Administratori është, gjithashtu, i autorizuar të veprojë në emër të Shoqërisë në formim e sipër deri në regjistrimin e saj pranë Qendrës Kombëtare të Biznesit. Ai është, gjithashtu, i autorizuar të firmosi të gjitha aktet dhe të marrë përsipër detyrime në emër të Shoqërisë që rrjedhin prej momentit të regjistrimit të saj si edhe ka të drejtë t'i delegojë kompetencat e tij personave të tjerë.

Neni 8 – Gjuha

Ky Akt Themelimi është hartuar në gjuhën shqipe.

ORTAKU I VETËM

SOKOL HAXHIA

Sokol Haxhia

SHTOJCA NR. 1

**STATUTI I
SHOQËRISË ME PËRGJEGJËSI TË KUFIZUAR**

“AKSIA&PARTNERS” Sh.p.k.

**KAPITULLI I
EMËRTIMI, FORMA, SELIA, OBJEKTI DHE KOHËZGJATJA**

Neni 1 – Emërtimi

- 1.1 Shoqëria emërtohet AKSIA&PARTNERS Sh.p.k. (në vijim **“Shoqëria”**).

Neni 2 – Forma

- 2.1 Shoqëria themelohet në formën e shoqërisë me përgjegjësi të kufizuar, dhe rregullohet prej këtij Statuti dhe Aktit të saj të Themelimit.
- 2.2 Shoqëria vepron në bazë të legjisllacionit shqiptar në fuqi.

Neni 3 – Selia

- 3.1 Selia e Shoqërisë është në Tiranë, Rruga “Abdi Toptani”, Torre Drin, Shop 21.
- 3.2 Shoqëria mund të ketë zyra, degë, zyra përfaqësimi dhe agjenci në vende të tjera në Shqipëri si edhe jashtë saj.
- 3.3 Asambleja e Përgjithshme mund të hapë, transferojë dhe/apo mbyllë, si në Shqipëri ashtu edhe jashtë saj, shoqëri të kontrolluara, degë, agjenci dhe zyra përfaqësimi si dhe çfarëdolloj entiteti tjetër të çdo lloji.

Neni 4 – Objekti

- 4.1 Shoqëria ka për objekt ofrimin e shërbimeve në sektorin e aktiviteteve sportive, në veçanti:
- të ofrojë asistencë dhe këshillim për veprimtaritë e lidhura me përfaqësimin sportiv, duke kryer të gjitha aktivitetet me karakter përgatitor, paraprak, ndihmës, organizativ dhe të marrë të drejtat ekonomike dhe pronësore që rrjedhin nga detyrat e dhëna përfaqësuesve sportivë;
 - të ofrojë asistencë dhe këshillim për përfaqësuesit sportivë për transaksionet e menaxhimit, negocimit dhe/ose cedimit të kontratave sportive në lidhje me atletët profesionistë.
- 4.2 Shoqëria mund (i) të marrë pjesë me financime ose në mënyrë operative në *consortium-e* edhe të përkohshme, *joint venture* ose (ii) të zotërojë, të blejë ose të shesë pjesëmarrje në ente, shoqëri apo ndërmarrje, edhe në fazë themelimi që kanë qëllime të ngjashme, komplementare apo gjithsesi të lidhura me të; jo si aktivitet parësor, Shoqëria mund edhe



të japë garanci reale dhe/ose personale, të vendosë peng, të dalë dorëzanëse apo të vendosë hipotekë edhe në favor të të tretëve.



Gjithashtu, Shoqëria mund të kryejë çdo veprim apo operacion tjetër që ka të bëjë me pasuritë e luajtshme dhe të paluajtshme, çdo veprim apo operacion tjetër tregtar, industrial e financiar, të dobishëm apo plotësues, me qëllim përmbushjen e objektit të saj, si edhe çdo aktivitet tjetër në përputhje me ligjin në fuqi.

Neni 5 – Kohëzgjatja

Kohëzgjatja e Shoqërisë do të jetë deri në 31 dhjetor të vitit 2100 dhe mund të zgjatet edhe më tej me vendim të Asamblesë së Përgjithshme.

KAPITULLI II KAPITALI, KONTRIBUTET, NDARJA DHE TRANSFERIMI I KUOTAVE

Neni 6 – Kapitali i Shoqërisë, Kontributet dhe Kuotat

- 6.1. Kapitali i Shoqërisë është i barabartë me 10.000 Lekë (dhjetëmijë Lekë) dhe është aktualisht i përbërë nga 1 (një) kuotë si më poshtë. Kapitali mund të shlyhet me kontribute në para ose kontribute në natyrë.
- 6.2 Kapitali themeltar është i nënshkruar si më poshtë:
 - i. **Z. Sokol Haxhia**, shtetas italian, lindur në Tiranë (Shqipëri), më 27 mars 1974, identifikuar me pasaportë italiane me numër YA9177465, nënshkruan një kuotë në para për vlerën 10.000 Lekë (dhjetëmijë Lekë), e cila përfaqëson 100% (njëqind për qind) të kapitalit të Shoqërisë.

Neni 7 – Zmadhimi i kapitalit të Shoqërisë

- 7.1 Zmadhimi i kapitalit mund të kryhet me vendim të Asamblesë së Përgjithshme, kurdo dhe për më shumë se një herë, përmes kontributit në para apo në natyrë apo në kredi, në zbatim të dispozitave ligjore në fuqi.
- 7.2 Në rast zmadhimit të kapitalit të Shoqërisë, ortakët kanë të drejtë të nënshkruajnë zmadhimin e kapitalit në proporcion me vlerën nominale të kuotës që ata zotërojnë. Vendimi i Asamblesë së Përgjithshme që vendos për zmadhimin e kapitalit duhet të vendosë edhe afatin brenda të cilit duhet të kryhet shlyerja e tij. Në rast se zmadhimi i kapitalit të Shoqërisë nuk nënshkruhet dhe shlyhet nga ana e të gjithë ortakëve brenda afatit të përcaktuar në vendim, atëherë pjesa e kapitalit të panënshkruar mund të nënshkruhet dhe shlyhet në proporcion me vlerën nominale të kuotës të zotëruar nga ortakët e tjerë. Vetëm nëse këta ortakë nuk e ushtrojnë këtë të drejtë, pjesa e zmadhimit të kapitalit akoma e panënshkruar dhe e pashlyer mund t'i ofrohet të tretëve. Vendimi përkatës i Asamblesë së Ortakëve rregullon termat dhe kushtet e tjera të zmadhimit të kapitalit.
- 7.3 Nëse kapitali i Shoqërisë nuk nënshkruhet dhe shlyhet tërësisht, kapitali zmadhohet me një vlerë të barabartë me nënshkrimet dhe shlyerjet e mbledhura, vetëm nëse vendimi përkatës i Asamblesë së Përgjithshme e ka autorizuar shprehimisht.

- 7.4 Zmadhimi i kapitalit nuk mund të kryhet deri në momentin kur kuotat e emetuara më parë të jenë shlyer tërësisht.

Neni 8 – Zvogëlimi i kapitalit të Shoqërisë

Zvogëlimi i kapitalit të Shoqërisë mund të kryhet me vendim të Asamblesë së Përgjithshme, në përputhje me dispozitat ligjore në fuqi. Në çdo rast kapitali i Shoqërisë nuk mund të zvogëlohet nën minimumin e parashikuar me ligj.

Nëse ka më shumë se një ortak, zvogëlimi i kapitalit mbartet prej secilit ortak në proporcion me vlerën nominale të kuotës që ai ka në kapitalin e Shoqërisë.

Neni 9 – Transferimi i kuotave

- 9.1 Nëse ka më shumë se një ortak, kuotat janë lirisht të transferueshme ndërmjet ortakëve dhe në favor të të tretëve, përveç sa parashikohet shprehimisht në këtë nen.
- 9.2 Në rast transferimi, tërësor ose të pjesshëm të kuotave nga ortakët në favor të të tretëve ose të ortakëve të tjerë, ortakët e tjerë të Shoqërisë kanë të drejtë parablerje.
- 9.3 Në një rast të tillë, ortaku që do të transferojë pronësinë e kuotës së tij ose një pjesë të saj në favor të të tretëve duhet të njoftojë me shkrim ortakët e tjerë, mbi synimin për transferimin e pronësisë, duke përcaktuar çmimin, kushtet dhe afatet e pagesës, si dhe emrin e blerësit.
- 9.4 Ortakët e tjerë do të kenë në dispozicion 15 (pesëmbëdhjetë) ditë - nga marrja e njoftimit - për t'i komunikuar ortakut që transferon kuotën, synimin e tyre për të ushtruar të drejtën e parablerjes mbi kuotën e ofruar kundrejt të njëjtit çmim sipas njoftimit. Në rast se ortakët e tjerë nuk përgjigjen në afatin e caktuar më sipër, prezumohet se kanë hequr dorë nga ushtrimi i së drejtës së parablerjes.
- 9.5 Edhe në rastin e dhurimit të kuotave nga ortakët në favor të të tretëve, ortakët e tjerë të Shoqërisë kanë të drejtën e parablerjes.
- 9.6 E drejta e parablerjes nuk mund të ushtrohet vetëm për një pjesë të kuotave të ofruara për transferim.
- 9.7 Nëse e drejta e parablerjes ushtrohet nga më shumë se një ortak, atëherë kuota e ofruar për shitje do të blihen nga ortakët në proporcion me vlerën nominale të kuotës së tyre në Shoqëri.
- 9.8 Në rast se nuk ushtrohet e drejta e parablerjes, kuotat mund t'i transferohen lirisht të tretëve sipas njoftimit të parashikuar në nenin 9.3 më sipër kundrejt çmimit, afateve dhe kushteve të pagesës së parashikuara aty.
- 9.9 E drejta e parablerjes nuk mund të ushtrohet në rastin kur subjekti, të cilit do t'i transferohen kuotat është: (i) një shoqëri drejtpërsëdrejti ose tërthorazi e kontrolluar nga ortaku që ka si qëllim të transferojë kuotat në fjalë; (ii) një shoqëri ose individ, i cili drejtpërsëdrejti ose tërthorazi kontrollon ortakun që ka si qëllim të transferojë kuotat në fjalë; (iii) subjekti të cilit do t'i transferohet kuota dhe ortaku që ka si qëllim të kryejë këtë transferim janë të dy nën kontrollin e përbashkët të një shoqërie të tretë. Në këtë rast





ortaku që ka si qëllim të transferoje kuotën duhet të njoftojë me shkrim ortakët e tjerë, duke bashkangjitur dokumentacionin që provon lidhjen e mësipërme.

Për më shumë qartësi, në kuptimin e kësaj dispozite, "kontroll" do të thotë të kesh në pronësi direkt ose indirekt shumicën absolute të totalit të votave në Asambleshën e Përgjithshme (pra 50%+1).

E drejta e parablerjes nuk mund të ushtrohet në rastin e transferimit të kuotave për shkak të bashkimit, ndarjes dhe transformimit të ortakëve.

Trasferimi i kuotave në favor të të tretëve është i pavlefshëm dhe nuk ka efekt nëse nuk kryhet sipas parashikimeve të këtij neni.

KAPITULLI III ASAMBLEJA E PËRGJITHSHME DHE ADMINISTRATORËT

Neni 10 – Asambleja e Përgjithshme, të drejtat e pjesëmarrjes dhe votës, thirrja

- 10.1 Organi vendimmarrës i Shoqërisë është Asambleja e Përgjithshme.
- 10.2 Ortaku ka të drejtën të marrë pjesë në Asambleshën e Përgjithshme, të shpreh mendimin e tij dhe ka të drejta vote në proporcion me vlerën nominale të kuotës në pronësinë e tij. Ortaku nuk mund të votojë në një mënyrë me një pjesë të kuotës dhe në një mënyrë tjetër me pjesën e mbetur të saj.
- 10.3 Ortaku ka të drejtën të përfaqësohet nga një person tjetër, edhe jo ortak, i pajisur me prokurë apo me një autorizim të thjeshtë, përmes së cilës do të mund të shprehë votën e vet. Në çdo rast, prokura ose autorizimi do të mund të lëshohet vetëm për një Asambleshë të Përgjithshme dhe është i vlefshëm për thirrjen e parë dhe vijuese të saj.
- 10.4 Ortaku nuk mund të japë prokurë ose autorizim për të votuar për një pjesë të kuotës së zotëruar prej tij, nëse voton personalisht për pjesën e mbetur.
- 10.5 Asambleja e Përgjithshme mund të thirret edhe jashtë selisë së Shoqërisë në Shqipëri apo jashtë saj.
- 10.6 Asambleja e Përgjithshme mund të thirret prej Administratorit, në të gjitha rastet e nevojshme për mbrojtjen e interesave të Shoqërisë apo kur kërkohet nga ligji, sikurse edhe nga një apo më shumë ortakë, të cilët përfaqësojnë të paktën 5% (pesë për qind) të kapitalit të Shoqërisë përmes një kërkesë të shkruar drejtuar Administratorit. Në çdo rast, Asambleja e Përgjithshme duhet të mblidhet të paktën një herë në vit brenda muajit të qershorit, me qëllim që të diskutojë dhe miratojë bilancin vjetor të vitit të mëparshëm fiskal.
- 10.7 Asambleja e Përgjithshme duhet të thirret përmes një letre rekomande me kthim përgjigje apo me postë elektronike me evidencë marrje dërguar ortakëve në adresën e tyre të banimit apo në adresën e tyre elektronike, të paktën 7 (shtatë) ditë përpara ditës së përcaktuar për zhvillimin e Asamblesë.
- 10.8 Njoftimi duhet të përmbajë rendin e ditës dhe të tregojë datën, vendin dhe orën ku do të zhvillohet mbledhja e Asamblesë së Përgjithshme dhe eventualisht edhe datën, vendin dhe orën e mbledhjes së dytë, nëse e para nuk arrin të mblidhet.



- 10.9 Asambleja e Përgjithshme konsiderohet si e thirrur në mënyrë të vlefshme dhe e mbledhur edhe nëse të gjitha formalitetet që kanë të bëjnë me thirrjen e saj nuk janë respektuar, me kusht që i gjithë kapitali i Shoqërisë të jetë i pranishëm apo i përfaqësuar me autorizim dhe që të gjithë ortakët të pranojnë të marrin vendim pavarësisht parregullsisë së thirrjes.
- 10.10 Asambleja e Përgjithshme mund të zhvillohet me telekonferencë dhe videokonferencë, me kusht që të gjithë pjesëmarrësit të mund të identifikohen, t'u mundësohet të ndjekin bisedën, të ndërhyjnë e japin mendimet e tyre në kohë reale lidhur me trajtimin e argumenteve dhe të votojnë në të njëjtën kohë mbi pikat e rendit të ditës.
- 10.11 Nëse përmbushen këto kushte, Asambleja e Përgjithshme konsiderohet e zhvilluar në vendin ku ndodhet Kryetari dhe ku, gjithashtu, duhet të ndodhet edhe Sekretari i mbledhjes.
- 10.12 Në thirrjen e mbledhjes së Asamblesë së Përgjithshme duhet të jenë të përcaktuar vendet, edhe jashtë selisë së Shoqërisë, në lidhje me mbledhjen e Asamblesë së Përgjithshme me telekonferencë dhe videokonferencë.
- 10.13 Asambleja e Përgjithshme kryesohet nga një Kryetar i zgjedhur nga vetë Asambleja. Nëse prania e një noteri nuk është e nevojshme, Asambleja zgjedh një Sekretar, i cili mund edhe të mos jetë ortak.
- 10.14 Vendimet e Asamblesë së Përgjithshme duhet të nënshkruhen prej Kryetarit të Asamblesë së Përgjithshme dhe Sekretarit.
- 10.15 Kryetari i Asamblesë së Përgjithshme ka të drejtë të plotë të verifikojë autorizimet dhe vlefshmërinë e tyre, të drejtën e ortakëve dhe përfaqësuesve të tyre për të marrë pjesë në Asamblesë të Përgjithshme dhe të vendosë nëse kjo e fundit është mbledhur në mënyrë të rregullt dhe nëse kuorumi i nevojshëm për të marrë vendime është arritur vlefshëmrisht. Kryetari ka edhe të drejtën të kryesojë bisedimet dhe të marrë vendime mbi rregullat dhe procedurat lidhur me votën.
- 10.16 Vendimet, procesverbalet dhe lista e pjesëmarrësve të Asamblesë së Përgjithshme duhet të përgatiten menjëherë pas mbajtjes së saj dhe duhet të nënshkruhen prej Kryetarit dhe Sekretarit të Asamblesë së Përgjithshme, sikurse edhe prej noterit, kur kjo kërkohet nga ligji dhe regjistrohen në librin e vendimeve të Shoqërisë.
- 10.17 Pavarësisht nga sa më sipër, një vendim i Asamblesë së Përgjithshme mund të merret vlefshëmrisht edhe me anë të një vendimi qarkullues me shkrim, me kusht që ky vendim qarkullues të nënshkruhet nga të gjithë ortakët, nëse ka më shumë se një ortak. Propozimi i vendimit me të gjithë dokumentacionin e nevojshëm sqarues bashkëngjitur duhet t'i dërgohet me radhë të gjithë ortakëve, me çdo mjet të përshtatshëm që provon marrjen e tij nga këta të fundit. Nga propozimi duhet të rezultojë në mënyrë të qartë çështja në rend të ditës dhe gjithë sa është e nevojshme për të siguruar informacionin e duhur mbi çështjen në fjalë, si dhe teksti përfundimtar i vendimit që duhet nënshkruar. Nënshkrimi i vendimit nga secili prej ortakëve shpreh pozicionin përkatës të secilit prej tyre. Kuorumi i vendimarrjes është ai që është i parashikuar në nenin 11 të Statutit. Do të konsiderohet datë e vendimarrjes data në të cilin është materializuar nënshkrimi i ortakut

të fundit. Këto vendime dhe i gjithë dokumentacioni shoqërues që shpreh vullnetin e tyre duhet të regjistrohen në librin e vendimeve të Shoqërisë.

Neni 11 – Kuorumi dhe kompetencat e Asamblesë së Përgjithshme

11.1 Asambleja e Përgjithshme është kompetente për të vendosur mbi të gjitha çështjet që ligjet në fuqi dhe Statuti i rezervojnë asaj.

11.2 Me përjashtim të rastit kur ky Statut parashikon shprehimisht ndryshe, Asambleja e Përgjithshme mbledhet rregullisht dhe mund të marrë vendime të vlefshme me votën pro të 51% (pesëdhjetë e një për qind) të kapitalit themeltar të Shoqërisë.

11.3 Pa cënuar sa më sipër, në lidhje me çështjet e mëposhtme, Asambleja e Përgjithshme mbledhet rregullisht dhe mund të marrë vendime të vlefshme me votën pro të ortakëve që përfaqësojnë të paktën 75% (shtatëdhjetë e pesë për qind) të pjesëmarrësve në Asamblenë e Përgjithshme, me kusht që të jenë të pranishëm aq ortak që në total të përfaqësojnë të paktën 51% të kapitalit themeltar të Shoqërisë:

- i. modifikimi i Statutit;
- ii. zmadhimi e zvogëlimi i kapitalit të Shoqërisë;
- iii. riorganizimi, likuidimi dhe prishja e Shoqërisë ose revokimi i vendimeve në lidhje me veprimet në fjalë;
- iv. bashkimi, përthithja ose ndarja e Shoqërisë;
- v. vendimet për shpërndarjen ose mosshpërndarjen e dividendit.

Neni 12 – Administratori

12.1 Shoqëria administrohet nga një Administrator i vetëm.

12.2 Administratori qëndron në detyrë deri në dhënien e dorëheqjes ose deri në momentin e revokimit prej Asamblesë së Përgjithshme, për një kohëzgjatje prej 5 (pesë) vitesh nga momenti i emërimit, me të drejtë riemërimi. Nëse në përfundim të afatit 5 (pesë) vjeçar, nuk është mbledhur Asambleja e Përgjithshme për të emëruar Administratorin e ri, Administratori do të vazhdojë në detyrë me tagra të plota deri në mbledhjen e radhës të Asamblesë së Përgjithshme që vendos për emërimin e Administratorit të ri.

12.3 Administratorit i takon përfaqësimi i Shoqërisë kundrejt të tretëve, në gjykatë dhe ushtron të gjitha kompetencat e administrimit të zakonshëm dhe të jashtëzakonshëm të Shoqërisë, përveç rastit kur statuti ose ligji ia jep shprehimisht këto kompetenca një organi tjetër të Shoqërisë.

12.4 Administratorit i jepen të gjitha kompetencat e nevojshme për të kryer të gjitha formalitetet dhe përmbushjen e detyrimeve të parashikuara për themelimin e Shoqërisë sipas legjislacionit në fuqi. Për këtë qëllim, Administratori, mund t'u drejtohet për ndihmë të tretëve ose konsulentëve, të cilëve mund t'u delegojë në tërësi ose pjesërisht kryerjen e aktivitetit të sipërpërmendur.

12.5 Administratori mund të emërojë përfaqësues të posaçëm për kryerjen e akteve të caktuara ose kategorive të akteve, brenda kufijve të kompetencave të dhëna nga Ligji nr.



9901, datë 14.04.2008 "Për tregtarët dhe shoqëritë tregtare" dhe nga Asambleja e Përgjithshme.

- 12.6 Detyra e Administratorit është pa pagesë, me përgjashtim të rastit kur Asambleja e Përgjithshme vendos ndryshe. Administratorit i takon rimbursimi i shpenzimeve të mbajtura si pasojë e ushtrimit të funksioneve të tij.

KAPITULLI IV EKSPERTI KONTABËL, VITI FINANCIAR, BILANCI VJETOR, SHPËRNDARJA E FITIMEVE

Neni 13 – Eksperti kontabël i regjistruar

- 13.1 Nëse kërkohet nga ligji apo një vendim i tillë merret nga Asambleja e Përgjithshme, kontrolli i bilanceve dhe librave kontabël të Shoqërisë do t'i besohet një apo më shumë ekspertëve kontabël të regjistruar.
- 13.2 Eksperti kontabël i regjistruar mund të revokohet në çdo çast në bazë të kushteve të përcaktuara nga ligjet në fuqi.

Neni 14 – Viti financiar dhe bilanci vjetor

- 14.1 Viti financiar fillon më 1 janar dhe përfundon më 31 dhjetor.
- 14.2 Bilanci dhe raporti i ecurisë i hartuar prej Administratorit dhe raporti që, eventualisht, hartohet prej ekspertit kontabël të emëruar, miratohen prej Asamblesë së Përgjithshme me shumicën e votave të kërkuar në paragrafin 11.2 më sipër.
- 14.3 Miratimi i dokumenteve lidhur me vitin ushtrimor duhet të kryhet brenda 6 (gjashtë) muajve nga përfundimi i vitit financiar.

Neni 15 – Fitimet

- 15.1 Me kusht që të jetë respektuar neni 77 i Ligjit Tregtar, fitimet neto që rezultojnë nga bilanci vjetor i Shoqërisë i shpërndahen - me vendim të Asamblesë së Përgjithshme me votën pro të ortakëve të parashikuar në nenin 11.3 më sipër - ortakëve në proporcion me vlerën nominale të kuotës në kapitalin e Shoqërisë që ata kanë përkatësisht në pronësi, pasi është zbritur shuma që Asambleja e Përgjithshme vendos lirisht të destinojë si rezervë.
- 15.2 Asambleja e Përgjithshme mund të vendosë lirisht të mbajë të gjithë fitimet ose një pjesë të tyre si rezerve, apo të shtyjë shpërndarjen e fitimit, tërësisht apo pjesërisht, në vitet ushtrimore pasardhëse.

KAPITULLI V SHPËRNDARJA DHE LIKUIDIMI I SHOQËRISË

Neni 16 – Shpërndarja



- 16.1 Shoqëria shpërndahet në rastet e parashikuar nga ligji apo me vendim të Asamblesë së Përgjithshme, me shumicën e parashikuar për modifikimin e Statutit të Shoqërisë.

Neni 17 – Likuidimi

- 17.1 Në rast shpërndarjeje Shoqëria do të kalojë në likuidim.
- 17.2 Për të administruar këtë procedurë, Asambleja e Përgjithshme emëron, me shumicën e votave të parashikuar në nenin 11.3 më sipër, një apo më shumë likuidatorë, të cilët do të paraqesin raportin përfundimtar mbi gjendjen e pasivit dhe aktivitetit të Shoqërisë, mbi veprimet e likuidimit dhe kohën e nevojshme për të përfunduar likuidimin.
- 17.3 Në përfundim të procedurës së likuidimit, Asambleja e Përgjithshme do të marrë vendim, me shumicën e votave të parashikuar në nenin 11.3 më sipër, në lidhje me bilancin financiar përfundimtar, mbi vlefshmërinë e punës së kryer prej likuidatorit dhe mbi përfundimin e procedurës së likuidimit.
- 17.4 Pas kryerjes së pagesës së kreditorëve dhe tërheqjes së kredive, likuidatori do të shpërndajë të ardhurat përfundimtare të likuidimit tek ortakët, në proporcion me vlerën nominale të kuotës që ata respektivisht kanë në kapitalin e Shoqërisë.

KAPITULLI VI DISPOZITA PËRFUNDIMTARE

Neni 18 – Zgjidhja e mosmarrëveshjeve

- 18.1 Të gjitha mosmarrëveshjet lidhur me interpretimin dhe zbatimin e këtij Statuti mes Shoqërisë dhe ortakëve apo mes ortakëve, do të lihen nën kompetencën ekskluzive të Gjykatës së Rrethit të Tiranës.

Neni 19 – Dispozitat ligjore në fuqi

- 19.1 Për gjithçka që nuk parashikohet në këtë Statut, zbatohen dispozitat ligjore në fuqi.

ORTAKU I VETËM

SOKOL HAXHIA


Sokol Haxhia

REPUBLIKA E SHQIPËRISË
DHOMA KOMBËTARE E NOTERISË
DEGA VENDORE TIRANË
NOTER ANILA K. GJERMENI



V2022050290132835496

DATE 14/06/2022
NR REP 1628



VËRTETIM NËNSHKRIMI

Sot, më datë 14.06.2022, para meje Notere ANILA K. GJERMENI, anëtare në Dhomën Kombëtare të Noterisë, Dega Vendore TIRANË, me zyrë në adresën Tiranë, NR.7, BLV"GJERGJ FISHTA", NR.4, u paraqit personalisht:

NËNSHKRUES:

SOKOL HAXHIA, atësia HYSEN, shtetas Italian, lindur në TIRANË dhe banues në adresë Itali, Adresa Ponte Buggianese (Pt), lindur më 27/03/1974, madhor, me zotësi të plotë juridike për të vepruar, për identitetin e të cilit u garantova me pasaportë italiane nr. YA9177465, .

Subjekti i mësipërm, në vullnet të lirë dhe të plotë, u paraqitë dhe nënshkroi përpara meje Noteres, "Akt Themelimi i Shoqërisë me Përgjegjësi të Kufizuar " AKSIA & PARTNERS" SHPK së bashku me Shtojca Nr 1 Statuti i Shoqatës ", bashkëlidhur.

Unë Noter/ja, pasi verifikova identitetin e personave të sipërcituar, nëpërmjet mjeteve të identifikimit në përputhje të plotë me nenin 62, pika 1, gërma "ë", si dhe nenit 128 të ligjit nr. 110/2018 "Për Noterinë", dhe Udhëzimit të Ministrisë së Drejtësisë nr. 6291, datë 17.08.2005; vërtetoj nënshkrimin e tyre.

Në zbatim të ligjit nr. 9887, datë 10.03.2008 "Për mbrojtjen e të dhënave Personale", unë noterja deklaroj se do të ruaj dhe përpunoj të dhënat personale të subjektit të këtij veprimi në mënyrë të drejtë dhe të ligjshme.

NOTER

ANILA K. GJERMENI